



Wisconsin Birth to 3 Program (Txoj Kev Pab Rau Me Nyuum Yug Kiag txog 3 Xyoos)

Early Intervention Services for Infants and Toddlers
With Delays and Disabilities in Wisconsin (Cov Kev
Pab Cuam Tshuam Ntxov rau Cov Me Nyuum Mos
thiab Me Nyuum Me Muaj Cov Kev Tsis Taus)

(Wisconsin Birth to 3 Program Early Intervention Services for Infants
and Toddlers With Delays and Disabilities in Wisconsin)

Wisconsin Birth to 3 Program (Txoj Kev Pab Rau Me Nyuum
Yug Kiag txog 3 Xyoos) txhawb rau txoj kev loj hlob thiab kev
xeeb meej ntawm cov me nyuum tsis nto hnuv nyoog 3 xyoos
uas muaj cov kev cob pob los sis cov kev tsis taus. Nws yog ib
txoj kev pab cuam tshuam ntxov uas yuav pab rau me nyuum
cov txuj ci kawm cov txuj ci ntxov uas tej zaum lawv yuav
kawm tau qeeb.

Nyob rau hauv phau ntawv no, koj yuav kawm txog:

1. Early intervention in Wisconsin (Kev cuam tshuam ntxov hauv Wisconsin) (yam lawv muab pab thiab pab li cas)
2. Ib puag ncig sim rau (tau txais cov kev pab nyob rau hauv koj lub tsev neeg lub vaj lub tsev thiab hauv lub zej zog neeg)
3. Cov tswv cuab hauv pawg kws pab txhawb (muaj tag nrho pab kws txhawb tshaj lij)



1. Kev Cuam Tshuam Ntxov

Xub thawj, kev cuam tshuam ntxov yog dab tsi?

Kev cuam tshuam ntxov muaj xws li cov kev pab tu xyuas thiab kev pab txhawb rau cov me nyuam mos thiab me nyuam me txo tsawg cov kev cob pob thiab cov kev tsis taus thiab lawv cov tsev neeg. Nws yog ib txoj kev qhia ntawv tshwj xeeb uas txhawb rau tus me nyuam txoj kev xeeb meej los ntawm los ntawm cov neeg ua hauj lwm kawm txawj thiab tsim nyog. Nyob rau hauv Wisconsin, lub npe rau kev cuam tshuam ntxov yog Birth to 3 Program (Txoj Kev Pab Rau Me Nyuam Yug Kiang txog 3 Xyoos).

Lub hom phiaj ntawm txoj kev cuam tshuam ntxov yog dab tsi?

Lub hom phiaj ntawm txoj kev cuam tshuam ntxov yog txhim kho tus me nyuam txoj kev xeeb meej thiab pab lawv kawm cov txuj ci tshiab kom muaj rab peev xwm.

Vim li cas kev cuam tshuam ntxov thiaj li tseem ceeb?

Yog koj paub txog cov xwm txheej ntawm tus me nyuam txoj kev xeeb loj ntxov dua, koj yuav pab tau tus me nyuam kom loj zuj zus, kawm thiab xeeb meej ntxov dua.

Wisconsin Birth to 3 Program (Txoj Kev Pab Rau Me Nyuam Yug Kiang txog 3 Xyoos) yuav pab tau kuv lub tsev neeg thiab tus me nyuam li cas?

Birth to 3 Program (Txoj Kev Pab Rau Me Nyuam Yug Kiang txog 3 Xyoos) koj koj lub tsev neeg mus cuag ib pawg kws pab txhawb tshaj lij. Pab kws pab txhawb yuav muab cov kev cuam tshuam ntxov, muaj xws li cov kev pab txhawb thiab kev tu xyuas uas yuav pab rau tus me nyuam cov kev tu ncu ntawm txoj kev xeeb meej.

Tam cov niam txiv thiab cov neeg zov tu, koj thiaj li paub tus me nyuam zoo tshaj. Txoj kev pab yuav xub xyuas txog tus me nyuam txoj kev sib raug zoo nrog koj lub tsev neeg. Qhov no tseem ceeb cim txhua lub sij hawm koj siv los pub noj pub haus, qhia, thiab hluv lawv yuav tsim muaj cov kev rau lawv xyaum, loj zuj zus thiab xeeb meej.

Muaj cov kev pab txhawb thiab pab tu xyuas twg?

Cov tsev neeg koom nrog Birth to 3 Program (Txoj Kev Pab Rau Me Nyuam Yug Kiang txog 3 Xyoos) yuav tau cov kev pab txhawb thiab kev pab tu xyuas xws li:

- Kev tswj kev tu xyuas
- Kev qhia ntawv tshwj xeeb
- Kev kho qhov ncauj
- Kev kho lub cev
- Kev kho lub cev kom ua tau hauj lwm

Raws li koj lub tsev neeg thiab tus me nyuam cov kev tu ncu, tej zaum yuav muaj lwm cov kev pab xws li:

- Kev xyaum, kev txhawb thiab cov kev sib ntsib hauv tsev nrog lub tsev neeg
- Cov kev pab rau txoj kev noj haus
- Khoom hluav taws xob pab txhawb
- Cov kev pab kho kab mob kev nkeeg uas txuam nrog

Qhia Me Ntsis Txog cov kev pab ntawm www.dhs.wisconsin.gov/library/p-03011.htm kom paub ntxiv txog cov kev pab uas muaj.

Cov kev pab hauv kev cuam tshuam ntxov zoo li cas?

Cov kev pab txhawb thiab kev pab tu xyuas muaj hauv Birth to 3 Program (Txoj Kev Pab Rau Me Nyuam Yug Kiag txog 3 Xyoos) yuav pab kom tus me nyuam kawm, txav mus los, sib txuas lus, sib txuam nrog neeg thiab nkag siab txog lwm cov neeg thiab xyaum noj, xyaum hnav khaub ncaws thiab raus tes ua tej yam kom pab tau lawv cov kev tu ncuu.

Yuav muab cov kev pab tu xyuas yam li yog kev ua si los sis ua si lom zem. Yuav siv koj lub tsev neeg thiab tus me nyuam cov kev txaus siab thiab cov kev niaj hnub ua los tsim muaj ib lub tswv yim uas haum rau koj lub tsev neeg. Lub tswv yim yuav nthuav qhia txog cov kev pab zoo li cas thiab muaj rau thaum twg. Ntawm no yog cov qauv ua piv txwv txog cov kev pab txhawb thiab kev pab tu xyuas zoo li cas:

- **Kev qhia ntawv tshwj xeeb** yuav pab tau rau txhua fab ntawm txoj kev xeeb loj los ntawm txoj kev muab tus me nyuam raus tes ua tej yam kev ua si yuav txhawb rau lawv txoj kev kawm raws li cov ua tau zoo thiab kev tu ncuu ntawm tus me nyuam. Qhov no muaj xws li kev pab lawv txoj kev loj zuj zus, kev kawm, kev ua si, thiab kev ntaus phooj ywg nrog lwm cov. Piv txwv, tus xib fwb qhia ntawv tshwj xeeb yuav qhia tus me nyuam siv tej khoom los kawm kom paub txog kev ua li cas thiab tshwm sim li cas los ntawm txoj kev nias lub nyias khawm ntawm tus roj hmab thiab yuav hnov lub suab nrov. Lawv puav leej yuav nrog koj ntsuas ib puag ncig kom paub seb tus me nyuam ua si tau li cas, xws li kev sib dhos khoom los sis sij hawm noj haus. Tus xib fwb tshwj xeeb puav leej yuav hloov cov kev ua si txhua hnub xws li xaiv cov thom khwm kom muab kev kawm txog sib faib ua pawg cov zoo sib xws.
- **Kev kho lub cev kom ua tau hauj lwm** yuav pab tus me nyuam xyaum cov txuj ci tshiab thiab tswj tau lawv cov kev xav los ntawm txoj kev xyaum thiab kho cov kev ua hauj lwm ib hnub dhau ib hnub kom haum. Cov txuj ci tshiab no yuav pab rau lawv txoj kev ua si, kev txav mus los, thiab kev sib ua ke nrog lub ntiaj teb ib puag ncig lawv. Piv txwv, tus kws kho lub cev kom ua tau hauj lwm yuav pab tus me nyuam xyaum ua si nrog thiab siv ntau yam khoom ua si thiab khoom siv (xws li rab diav) nws tus kheej.

- **Kev kho lub cev** yuav pab txhawb rau tus me nyuam lub cev kom muaj zog thiab txhawb rau kev xeeb loj ntawm lub cev nqaij. Qhov no pab kom lawv txav tau mus los, ua si thia koom nrog cov kev kawm ib hnuv dhau ib hnuv. Piv txwv, tus kws kho lub cev yuav pab tus me nyuam xyaum txav ntawm ib chav mus rau ib chav hauv lub tsev kom mus tau rau qhov chaw lawv xav mus txog thiab qhov chaw lawv yuav tau mus kom txog.
- **Kev kho qhov ncauj thiab kev hais lus** yuav pab tus me nyuam nkag siab thiab hais tau lus. Qhov no yuav pab tus me nyuam siv cov lo lus thiab cov yas cev piav qhia txog yam lawv xav tau thiab yam lawv tu ncu. Piv txwv, tus kws kho qhov ncauj yuav pab tus me nyuam saib cov phau ntawv thiab taw tes rau cov duab thiab khoom los sis hais kom muab ntxiv thaum noj haus.

Ib tug kws tshaj lij hauv pawg kws pab txhawb yuav muab tau yam kev pab rau koj lub tsev neeg kom txhawb tau rau tus me nyuam txoj kev loj zuj zus thiab kev xeeb meej. Tus kws tshwj kev pab no yuav muaj cov kev pab tu xyuas thiab kev pab txhawb no los tso kom haum rau koj lub tsev neeg cov kev tu ncu.

Wisconsin Birth to 3 Program (Txoj Kev Pab Rau Me Nyuam Yug Kiag txog 3 Xyoos) yuav coj koj, tam cov niam txiv thiab neeg zov tu mus txuam nrog qhov txheej txheem kev kawm no. Pawg kws pab txhawb yuav cob qhia koj txog yam koj ua tau kom pab tau koj tus me nyuam kawm mus ntxiv hauv koj lub tsev neeg cov kev ua si txhua hnuv thiab cov hauv lwm txhua hnuv thaum uas cov neeg muab kev pab tsis nyob ntawd.



2. Ib Puag Ncig Swm Rau

Ntxiv mus, ib puag ncig swm rau yog dab tsi?

Birth to 3 Program (Txoj Kev Pab Rau Me Nyuam Yug Kiag txog 3 Xyoos) yuav siv lo lus “cov ib puag ncig swm rau” los txhais txog cov chaw uas koj lub tsev neeg thiab tus me nyuam ib txwm nyob rau. Qhov no yog li koj lub tsev neeg lub tsev, thiab lwm cov chaw uas koj niaj hnub mus rau hauv lub neej (piv txwv, tus me nyuam lub chaw zov tu los sis lub tiaj ua si). Cov ib puag ncig swm rau tsis yog cov chaw xwb tiam sis puav leej yog cov neeg, cov dej num, cov khoom ua si thiab lwm cov khoom uas yog ib feem ntawm tus me nyuam lub neej txhua hnub.

Vim li cas thiaj li muab cov kev pab txhawb nyob rau qhov chaw ib puag ncig swm rau?

Kev muab cov kev pab ntawm cov ib puag ncig swm rau yuav pab tau vim cov me nyuam kawm tau thaum:

- Nyob rau cov chaw nws paub.
- Koom cov neeg lawv paub
- Siv nws cov khoom ua si thiab cov khoom vim nws txaus siab rau.

Nws siv sij hawm rau cov me nyuam kom swm cov chaw tshiab thiab kawm txog cov khoom tshiab. Siv tej uas paub yog txhais tau tias lawv npaj txhij kawm tam sis—lawv tsis tag yuav xub xyaum kom xis los sis swm ua ntej.

Nws ua hauj lwm li cas?

Txoj kev nrhiav cov kev los muab cov kev pab tu hauv koj lub tsev neeg qhov ib puag ncig swm rau, tus me nyuam thiab koj lub tsev neeg yuav xyaum tau cov tswv yim thawm hnub, tsis yog thaum twg muaj tus neeg muab kev pab nyob ntawd xwb.

Thaum tus me nyuam ua cov dej num no lawv nyiam los sis txaus siab rau, koj thiab tus neeg muab kev pab txhawb lawv thaum lawv xyaum cov txuj ci tshiab, kawm cov tshiab thiab kawm seb lawv cov yam ntxwv ua tau dab tsi tshwm sim.





3. Pawg Kws Pab Txhawb

Qhov kawg, pawg kws pab txhawb yog dab tsi?

Pawg kws pab txhawb yog ib pab neeg li cov neeg hauv lub tsev neeg, cov neeg muab kev pab thiab lwm cov tib neeg. Pawg kws pab txhawb yuav sib ntsib nrog lub tsev neeg thiab lwm cov neeg tsis tu ncuva kom sib qhia tau tej ncauj lus thiab sib kawm ntawm ib tug rau ib tug.

Leej twg yog pawg kws pab txhawb hauv Birth to 3 Program (Txoj Kev Pab Rau Me Nyuam Yug Kiang txog 3 Xyoos)?

Pawg kws pab txhawb hauv Birth to 3 Program (Txoj Kev Pab Rau Me Nyuam Yug Kiang txog 3 Xyoos) yog cov neeg hauv koj lub tsev neeg thiab cov neeg muab kev pab. Cov neeg muab kev pab yog tau tus xib fwb qhia ntawv tshwj xeeb, tus kws kho lub cev kom ua tau hauj lwm, tus kws kho ib ce, thiab tus kws kho qhov ncauj; thiab lwm cov kws tshaj lij. Ib tug neeg ntawm cov neeg muab kev pab no yuav yog tus tuaj xyuas koj hauv tsev heev dua. Lawv yog cov hu ua "thawj tus neeg muab kev pab."

Koj yog tus neeg tseem ceeb ntawm pawg neeg muab kev cuam tshuam ntxov. Pawg kws pab txhawb yuav muab cov kev pab thiab qhia cov tswv yim thiab cov kev yuav pab tau rau tus me nyuam txoj kev xeeb meej. Koj pawg kws pab txhawb yuav nug koj txog koj cov kev vam thiab kev xav tau, los sis cov hom phiaj, los tsim muaj lub tswv yim rau cov kev pab txhawb thiab kev pab tu xyuas kom haum rau koj lub tsev neeg.



Muaj Birth to 3 Program (Txoj Kev Pab Rau Me Nyuam Yug Kiang txog 3 Xyoos) nyob rau hauv txhua lub cheeb koog hauv Wisconsin.

Kev sib cuag tau nrog Birth to 3 Program (Txoj Kev Pab Rau Me Nyuam Yug Kiang txog 3 Xyoos) yog hu rau Well Badger ntawm 800-642-7837 los sis mus xyuas Wisconsin Birth to 3 Program (Txoj Kev Pab Rau Me Nyuam Yug Kiang txog 3 Xyoos) qhov vas sab ntawm www.dhs.wisconsin.gov/birthto3/family/index.htm.



WISCONSIN DEPARTMENT
of HEALTH SERVICES

P-03022H (06/2021)